



CANTON SARAJEVO
Cantonal Civil Protection Administration
Operational Center

Broj: 04-40-1-339/21
Sarajevo, 06.12.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ

za period od 08:30 sati 03.12.2021. do 08:30 sati 06.12.2021. godine

Usljed obilnih kišnih padavina koje su zahvatile područje Kantona Sarajevo u izvještajnom periodu došlo je do porasta vodostaja rijeka Bosne, Željeznice, Miljacke, Zujevine i Ljubine, te njihovi manjih pritoka, kao i pojava bujičnih i podzemnih voda i povećane opasnosti od poplava.

Direktor Kantonalna uprava civilne zaštite Kantona Sarajevo je odmah izašao na najugroženija područja od poplava na području općina Novi Grad, Ilidža i Vogošća kako bi koordinirao sa općinama na poduzimanju neophodnih preventivnih mjera na sprječavanju i umanjenju opasnosti od poplava.

S obzirom da se prema vremenskim prognozama od Federalnog hidrometeorološkog zavoda na području Kantona Sarajevo i u narednoj sedmici očekuju kišne padavine, koje mogu dodatno usložiti trenutnu situaciju na području Kantona Sarajevo prouzrokovano poplavama, Kantonalna uprava civilne zaštite Kantona Sarajevo je je dana, 05.12.2021. godine prepremila Preporuke pravnim i fizičkim licima za preduzimanje preventivnih mjera zaštite i spašavanja od poplava, koje je putem Kantonalnog operativnog centra civilne zaštite odmah proslijeđeno svim općinskim službama civilne zaštite s područja Kantona Sarajevo, kao i Press službi Vlade Kantona Sarajevo i printanim i elektronskim medijima. Navedenim Preporukama, preporučeno je svim pravnim i fizičkim licima, da odmah u skladu sa svojim nadležnostima, kao i obavezama, koje su im propisane Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), preduzmu neophodne preventivne mjere zaštite od kišnih padavina



(pripreme adekvatne snage i materijalno-tehnička sredstava za brzi odgovor na najavljene kišne padavine) jer će se tako stvoriti pretpostavke za efikasniji i brže reagovanja svih subjekata sistema zaštite i spašavanja u sveobuhvatnom odgovoru na potencijalne izazove i prijetnje od poplava, a samim tim će se izbjeći velike materijalne šteta, kao i moguće povrede i ljudske žrtve. Posebno je apelovano na općinske službe civilne zaštite s područja Kantona Sarajevo, da kontinuirano vrše obilazak najugroženijih područja od poplava i da odmah stave svoje organizovane snage zaštite i spašavanja u stanje pripravnosti, kako bi iste bile spremne kao snage prvog odgovora, da u skladu sa svojim nadležnostima i obavezama po planovima zaštite i spašavanja reaguju na potencijalno moguće poplave na području svojih općina i da pruže neophodnu pomoć ugroženom stanovništvu.

Na području općina: Novi Grad, Vogošća, Ilijaš i Hadžići uslijed obilnih kišnih padavina i pojave bujičnih i podzemnih voda došlo je do začepjenja propusta, odvoda i kanala, te izlivanja vode na saobraćajnice na više lokacija. Navedene općine su angažovale svoje organizovane snage zaštite i spašavanja, koje su na najugroženijim mjestima blagovremeno poduzele preventivne mjere na sprječavanju i umanjenju opasnosti od poplava (izvršili postavljanje vreća sa pijeskom, pročišćavanja začepljenih propusta, odvoda i kanala), tako da nije došlo do plavljenja objekata.

Na području Općine Hadžići uslijed obilnih padavina došlo je do pojave klizišta na lokalitetima Musići i Vrančići. Općinska služba CZ Hadžići poduzela je mjere na sprječavanju daljeg klizanja tla na tim lokalitetima.

Dana 05.12.2021. godine u 16:29 sati angažovana je Služba za sječu i uklanjanje oštećenih stabala sa zelenih površina i saobraćajnica, koja je formirana u KJKP Park na uklanjanju stabla drveta na obali rijeke Dobrinje u ulici Petra Tješića do br. 9.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana 03.12.2021.godine u 13:48 sati, od Službe civilne zaštite Novi Grad, da je u ulici: Paljevska bb, Općina Novi Grad, pronađena jedna mina.

O primljenoj informaciji obaviješteni su pripadnici Tima za UES Federalne uprave civilne zaštite, koji su navedena neeksplozivna ubojna sredstva preuzeli isti dan.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 16 manjih intervencija i to: tri na gašenju smeća u kontejneru, (otvaranje vrata na liftu), tri na gašenju zapaljenog dimnjaka, jedna na gašenju el.stuba, jedna na gašenju el. brojila, jedna na gašenju zapaljenog automobila, pet na obezbjeđenju (sportskog događaja i pretakanja goriva na Međunarodnom aerodromu Sarajevo) i dvije tehničke (otvaranje zaglavljanih vrata lifta i ispumpavanje vode iz poplavljenog objekta).

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su pet intervencija i to: dvije na gašenju zapaljenog smeća u kontejnerima i jedna na gašenju el. brojila, jedno obezbjeđenje sportskog događaja i jednu tehničku intervenciju ispumpavanja vode iz poplavljenog objekta.



Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave iznosila je 1°C, vlažnost zraka 73%, barometarski pritisak 945,3 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1